

十六品經後跋

十六品經者乃

孚佑上帝覺世之真詮傳道之妙典也會三教精微爲萬法宗
主非尋常鼎爐鉛汞龍虎嬰姁之說而究亦闡其秘而駭其全
理仍不外乎性命道正妙統乎仙佛上合三清之密旨而體無
極下綜萬古之丹經而集大成舉凡九轉之精功三才之法象
天仙之心傳煉丹之要訣莫備於斯莫捷於斯莫詳明貫徹於
斯矣蓋自此經出而人人可登大羅無上之境不啻有雲梯之
可升高焉不啻有慈航之可渡海焉噫正如日麗中天十方朗
照頓破塵世之夢因大開昇仙之覺路且負乎至矣蔑以加矣

道藏輯要

十六品經
後跋

本

室集一

小子蒲自甲寅以來陸續得觀各品編輯訂校已幾七載迄庚
申歲始有定本視宗正舊刊較詳今同學公校全書宗正而重
訂之首將是刻收入集中噫是經也擷千七百餘處之精華歷
數十百年乃獲振興於道運昌明之會而吾人亦且生生滅滅
於其間而不自知今幸值覺源洪濟一旦克成千秋盛舉此天
時耶抑人事耶要皆吾

孚佑上帝之仁心有以默運於大千世界之中而固早於始作
之日預示乎此日之流通廣佈若操券然若符契然讀是經者
當思教育之深恩而溯淵源之有自庶不負度世慈心云爾惠
覺弟子蔣予蒲守中氏謹跋